



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Sanctuarium Crucis Et Patientiae Crucifixorum Et Cruciferorum

Bivero, Pedro de

Antverpiæ, M.DC.XXXIV.

Emblematica Imago III. S. Andreæ Apostoli Crucifixi Explicata.

[urn:nbn:de:hbz:466:1-47616](https://nbn-resolving.org/urn:nbn:de:hbz:466:1-47616)



I nunc et spera famam mersare tenebris:
3 Splendet ab infami lux radiata cruce.

D

Quarant
Lucis
VENE
8



EMBLEMATICA IMAGO III.
S. ANDREAE APOSTOLI CRUCIFIXI
EXPLICATA.

SANCTVS ANDREAS Apostolus, cum Pa- Martyrol. Meoph. Nicophor.
tris in Achaia mysterium Crucis, CHRI-
STI sua praedicatione extolleret, à Praesi-
de Aegae sub Nerone Imperatore crucis
suspensio adiudicatus est. Voluntarium & sponta-
neum Sacrificium ANDREAS seipsum in ara crucis
litauit. Exclamauit victima ad aram: *O bona crux,
qua decorem ex membris Domini suscepisti, diu desidera-
ta, sollicitè amata, sine intermissione quaesita, & aliquan-
do cupienti animo praeparata, accipe me ab hominibus, &
redde me magistro meo; vt per te me recipiat, qui per te
me redemit.* Hoc holocaustum sublime, quod confe-
cit de se ANDREAS, speculum sacrificij voluntarij
gratissimum Deo fuit, ac proinde canit Ecclesia:
Suscepit Deus ANDREAM in odorem suauitatis. Rectè
Hieronymus Epist. 28. *Aurum deponere, incipientium
est, non perfectorum; fecit hoc Crates Thebanus, fecit An-
tisthenes: seipsum offerre Deo, proprium Christianorum
est & Apostolorum.* Primus ac primarius auctor huius Sympathia Christi & Andreae Artificum voluntarij sacrificij.
perfectae oblationis extitit gloriosus Rex in sancta

Quartium
Crucis
S. ANDREAE
8

crucis altari: *Oblatus est, quia ipse voluit, voluit & ANDREAS sic offerri, sic litari.*

CRUX ANDREÆ, CRUX oblationis sui.

Crux propria oblationis instrumentum artis bene viuendi. Rom. 12, 1

Excitatio laborantis.

Nemo sine cruce vitam ducit, secum vnusquisque crucem gestat, in qua seipsum suo immolet Creatori. Ad hanc immolationem excitat Paulus, cum ait: *Obsecro vos, fratres, per misericordiam Dei, ut exhibeatis corpora vestra hostiam viuentem, sanctam, Deo placentem, rationabile absequium vestrum.* Hostia viuua, sancta & placens vero & magno Deo, nos ipsi sumus, cum quibus Bernardus Sermone de Purificat. agens dicit: *Quid, fratres, nos offerimus, aut quid retribuimus CHRISTO pro omnibus quæ retribuit nobis? Ille pro nobis obtulit hostiam pretiosiore quam habuit, nimirum qua pretiosior esse non potuit. Et nos ergo faciamus quod possumus: optimum quod habemus, offeramus illi, quod sumus utique nos ipsi.* Accedat Augustinus libro de Quant. anim. cap. 28. *Vellem ut nihil aliud agerem, quam reddere me cui maxime debeo; atque ita fieri, quod ait Horatius, amicum mancipium Domino.*

CRUX ANDREÆ, CRUX ægrotantis.

Instrumentum artis bene moriendi.

Languet amore ANDREAS: cumque ille duceretur ad molestum crucis lectum, exclamauit,

uit, *O bona crux*, & in ea totum se dedit, totum se obtulit Deo. Dum valet homo; negotiis variis rebusque diuersis distrahitur. Vt se sibi totum recipiat, & de se hostiam viuentem conficiat, morbo tangitur, vocatur ad lectum, ad bonam, ducitur crucem, si nouerit, more ANDREAE, de lecto componere altare, & seipsum in ægritudine sua patienter & hilariter immolare. Quisquis sponte se ita immolat Deo, tollit à cruce & lecto quod graue & onerosum est, iuxta Aphorismum Saluiani lib. 1. de Prouid. *Infirmities, inquit, non sunt onerosæ tolerantibus, sed tolerare nolentibus. Siue enim grauia hæc, siue leuia, animus tolerantis facit.* Quisquis animo generoso lecto affixus est, sicut & ANDREAS cruci, sciat pertinere ad se, quod Epist. 15. scribit ad Olympiad. Chrysostomus: *Scis enim, scis inquam planè, quanta laudis sit, corporis morbum generoso animo, atque cum gratiarum actione ferre. Hoc, vt sæpè à me dictum est, Lazaro coronam, attulit: hoc in Iobi certaminibus diabolum dedecore atque ignominia affecit, pugilemque ob huiusmodi patientiam clariorem reddidit.* Admonendi ergo sunt ægri, vt generoso animo ægritudinis suæ crucem acceptent & amplectantur, & quidem cum gratiarum actione, quandoquidem non infertur grauis iniuria ægrotantibus, sed eximium beneficium con-

fertur, Confirmat Augustinus Tract. de Vilit. infirmorum Serm. i. Eia, inquit, si Episcopatum, aut honorem alium, aut donum aliud, aut sanitatem infirmis optabilem tibi concessisset Deus, nonne omni gaudio illud donum Dei suscepisses? Certè maiore exultatione, & affectuosiore voluntate, cum gratiarum actione hanc Dei animaduersionem debes unicam habere, quia hoc utilissimum Dei donum est. Congratulabatur sibi de dono crucis, & luce ipsa splendidius collatum sibi beneficium censebat & iudicabat ANDREAS, cupiensque benefactori suo gratam facere compensationem, fecit sui ipsius odoriferam immolationem. Qui mysticus ANDREAS est, dum laborat & aegrotat, propositam sibi imaginem ante oculos semper habeat, ut cum lecto affixus sit, ad hanc se componat formam, dignam sibi datæ infirmitatis concipiat ac formet opinionem, & debitam faciat æstimationem. Quam dum sanus esset, de se inchoarat hostiam Deo salutis offerre, iacens in lecto æger paratus sit animo perficere, ac gloriosè terminare.

Leuamen laborantis & aegrotantis.

*Virtus Em-
charistica.*

R Ex gloriosus spontaneam immolationem tempore passionis suæ fecit, & perfecit. Ostendit satis clarè, se non trahi ad suam mortem inuitum, cum,

cum, antequam à Iuda traderetur, seipsum in sacrificium & Sacramentum Ecclesiae tradidit. Hoc Agni sacrificium & Sacramentum totum voluntarium est, ad cuius communicationem eos, qui videntur & laborant, ut seipsum Deo voueant, alligat & accersit CHRISTVS. *Venite ad me omnes, qui laboratis, & onerati estis, & ego reficiam vos: reficiam & conuertam vos in me, ut sicut tradidi me sponte mea, & adhuc trado, effecti similes mei, voluntarie vestra omnia, & vos ipsos pariter offeratis. Patientia possessionem adfert animarum. In patientia vestra possidebitis animas vestras.* & haec virtus Eucharistiae est, ut quam in possessione sua vir patiens habet animam, eandem prorsus voluntarie & spontaneè oblatam Deo reddat & restituat.

Gloriosum opus Artis Crucis & patientiae,
Aurea & aureola corona.

Spes debat auro mensa, quae in antiquo tabernaculo praecessit, & in ea aurea corona & aureola resplendebant. Typus & umbra erat sacri mysterij Eucharistiae, cuius sacrarium non casu nec sine causa saepe componitur & ornatur coronis floribus aureis contextis. Coronatur voluntarium sacrificium, ut nouerint omnes, qui spontaneam conficiunt

*Honor alit
arrem be-
nè uiuen-
di & mo-
riendi.*

Sacrarium
Crucis
BIBLIOTHECA
PADERBORN

ciunt de se oblationem; adeptaros inclytas glorie coronas, quibus in celorum regno decorabuntur.

Voluntarie offerebat seipsum Paulus, & dicebat,

1. Cor. 9. 7. *Hilarem datorem diligit Deus*, & idem ipse testabatur,

1. Tim. 4. *Reposita est mihi corona iustitiæ.* Hæc aurea corona est

decreta Apostolo ANDREAE, cui martyrium glori-

osum aureolam reportauit. Candidati vtriusque

coronæ voluptarij sectatores CHRISTI, & imitato-

res ANDREAE sunt, qui in ipso lecto doloris non

coacte, sed spontaneè spiritum suum Deo offerunt,

sicut obtulit ANDREAS, eiusque imitator sanctus

Nicolaus Tolentinas, qui exhalaturus animam ad

*Extrema
verba mo-
rientis.* crucem ait: *Salve crux pretiosa, quæ digna fuisti portare*

mundi pretium, quod in te quieuit, & sedit, & passionis

estu roseum sanguinem sudauit: Ille per te me defendat in

hac hora ab hoste maligno.

Proferatur nunc in publicum sancti PHILIPPI

Apostoli exemplum; in ipso siquidem tamquam in

præclarissimo speculo fulget imago patientis obsti-

nationem & obdurationem peccatorum & morbo-

rum.